

# GLINENI CRIJEP



## PRAVNI OSNOV

Glineni crijep se može staviti na tržište Bosne i Hercegovine samo ako ispunjava odredbe **Zakona o građevinskim proizvodima u FBiH** („Sl. Novine FBiH“, broj 78/09) i **Zakona o građevinskim proizvodima u RS** („Sl. Glasnik RS“, broj 5/12).



## PRIMJENJIVI STANDARD

Standard BAS EN 1304:2014 Glineni crijep i pribor za pokrivanje krova - Definicije proizvoda i specifikacije je standard koji specificira zahtjeve za glineni crijep i fitinge („fazonske elemente“, „pomoćne dijelove“) za pokrivanje kosih krovova i zidne obloge. Standard se primjenjuje za sav crijep i fitinge definisane tačkom 3. standarda. Glineni crijep i glineni fitinzi koji su usklađeni sa ovim standardom su pogodni za upotrebu kao krovni pokrivači i obloge za vertikalne zidove. Standard definiše minimum zahtjeva za proizvod koji, ako su zadovoljavajući u vrijeme isporuke, će osigurati da je proizvod sposoban obavljati svoju funkciju u vezi sa deklariranim nivoima svojstava dok je istovremeno podložan promjenama koje se pojavljuju u takvim materijalima tokom normalnih uslova upotrebe.



## OBAVEZE POSLOVNIH SUBJEKATA

Proizvođači, ovlaštteni zastupnici i uvoznici koji stavljaju glineni crijep na tržište Bosne i Hercegovine, moraju osigurati sljedeće:

- Da uz proizvode budu priloženi izjava o usklađenosti i certifikat o usklađenosti za proizvode sa sistemom ocjenjivanja 1;
- Da proizvodi budu propisno označeni;
- Da uz proizvode budu priložena tehnička uputstva.



## OZNAČAVANJE

Glineni crijep mora biti označen oznakom usklađenosti koja sadrži sljedeće:

- Znak „E“ u Federaciji Bosne i Hercegovine i bez oznake ili znak „CE“ u Republici Srpskoj;
- Ime proizvođača;
- Sjedište proizvođača;
- Zadnja dva broja godine u kojoj je oznaka stavljena na proizvod;
- Evidencijski broj ovlaštenog pravnog lica/tijela za ocjenu usklađenosti (samo ako je učestvovalo u postupku ocjenjivanja usklađenosti);
- Oznaka standarda BAS EN 1304:2014;
- Naziv proizvoda;
- Proizvođačeva identifikacijska oznaka građevinskog proizvoda;
- Obavijest o svojstvima/karakteristikama proizvoda.



## TEHNIČKA UPUTSTVA

Tehnička uputstva moraju slijediti svaki građevinski proizvod koji se isporučuje odnosno svako pojedinačno pakovanje. Tehnička uputstva moraju sadržavati podatke značajne za transport i upotrebu proizvoda. Uz pisani tekst tehnička uputstva radi lakšeg razumijevanja mogu sadržavati nacрте i ilustracije. Sve informacije u tehničkom uputstvu moraju biti napisane na jednom od službenih jezika u Bosni i Hercegovini. Tehnička uputstva moraju sadržavati prepis izjave o usklađenosti.



## ZAHTJEVI

Zahtjevi koji se postavljaju za glineni crijep, kako bi se mogao staviti na tržište Bosne i Hercegovine, su da uz propisnu oznaku usklađenosti uz proizvod budu priloženi dokumenti o usklađenosti i tehnička uputstva kao i da budu ispoštovane posebne napomene ili ograničenja koje je eventualno naveo proizvođač.